

**COFNODION O GYFARFOD CYNGOR CYMUNED HARLECH A GYNHALIWIYD YN YR HEN LYFRGELL, HARLECH AM
7.30 O'R GLOCH 04.11.24**

YMDDIHEURIADAU

Dim.

PRESENNOL

Cyng. Christopher Braithwaite (Cadeirydd), Edwina Evans, Wendy Williams, Ceri Griffiths, Rhian Corps, Gordon Howie, Martin Hughes, Giles Bentham, Reg Chapman, James Maxwell, a'r Cyng. Annwen Hughes a Gwynfor Owen (Cyngor Gwynedd).

'Roedd 10 aelod o'r cyhoedd yn bresennol ar gychwyn y cyfarfod.

Croesawodd y Cadeirydd Mr. Martin Hanks i'r cyfarfod i drafod yr adroddiad mae wedi ei greu gan ei fod wedi cael ei benodi'n ymchwilydd annibynnol.

CYHOEDDIADAU Y CADEIRYDD

Adroddodd y Cadeirydd bod is-bwyllgor cae chwarae Brenin Sior wedi cyfarfod ar yr 11eg o fis diwethaf. Hefyd datganodd nid oedd yn gallu gosod y dorch pabi coch ar ran y Cyngor yn gwasanaeth Sul y Cofio dydd Sul nesa a cytunodd y Cyng. Giles Bentham wneud yn ei le.

COFNODION

Derbyniwyd cofnodion o gyfarfod Hydref 7ed 2024 fel rhai cywir.

MATERION YN CODI O'R COFNODION

Nid oedd unrhyw fater yn codi o'r cofnodion.

DATGAN BUDDIANT

Datganodd y Cyngor fel corff ddiddordeb yng nghais cynllunio gosod dau monolith llechan oddeutu 3.3medr o uchder Tir yn Parc Bron y Graig, Harlech ac fe arwyddwyd ffurflen Datgan Buddiant Personol gan y Cadeirydd ar ran y Cyngor a ni drafodwyd y cais cynllunio dan sylw.

MATERION CYNGOR GWYNEDD

Fe dderbyniwyd yr adroddiad canlynol gan y Cyng. Annwen Hughes ar Cyng. Gwynfor Owen – Adroddodd y Cyng. Annwen Hughes ers y cyfarfod diwethaf ei bod wedi cael e-bost gan yr Adran Amgylchedd, Cyngor Gwynedd yn ei hysbysu eu bod yn datblygu safle Ffridd Rasus fel eu prif hwb casglu a thrin gwastraff ar gyfer ardal de Gwynedd. Hefyd eisiau gwybod ei barn l dreialu cau "slots" l'r ganolfan ailgylchu rhwng 9.00 y bore a hanner dydd (ag weithiau tan 1.00 y prynhawn) yn ystod yr wythnos waith. 'Roedd hefyd wedi cael ffigyrau ymweld a'r ganolfan yn ystod y ddau fis diwethaf a mae y wybodaeth hon ar gael os mae rhywun eisiau eu gweld. Wrth ymweld a toiledau cyhoeddus ger y Queens wythnos diwethaf 'roedd wedi darganfod fod un drws wedi cael ei fandaleiddio a'l dynnu l ffwrdd ag oedd hyn hefyd yn effeithio ar y toiled cyfagos. 'Roedd wedi cymeryd lluniau o'r difrod a'l anfon ymlaen l'r adran perthnasol yn Cyngor Gwynedd. 'Roedd wedi cael gwybod bod yr arwyddion 20 mya ar y groesffordd am ystad Ty Canol wedi cael eu tynnu ag 'roedd wedi cysylltu gyda Chyngor Gwynedd ynglyn ar mater hwn ag yn gofyn pam bod yr arwyddion hyn wedi cael eu tynnu ag 'roedd wedi cael ateb yn datgan bod yr arwyddion wedi cael eu tynni l lawr yn dilyn adolygiad o arwyddion yn Dilyn y cynllun 20 m.y.a a nid oes hawl l osod arwyddion 20 m.y.a mewn ardaloedd sydd wedi ei oleuo ac sydd eisoes o fewn ardal sydd wedi ei arwyddo fel 20 m.y.a a mae oblygiadau cyfreithiol os na fydd cydymffurfiaeth gyda'r canllawiau. 'Roedd yr arwyddion yn wreiddiol wedi cael eu codi dros dro nes byddai y cyfyngiadau 20 m.y.a yn dod l rym.

Adroddodd y Cyng. Gwynfor Owen ei fod wedi awgrymu cario allan cynllun pilot gyda cau "slots" l'r ganolfan ailgylchu yn Ffridd Rasus, wedi cael y pleser o gyflwyno y gwobrau yn y sioe flodau. 'Roedd dipyn yn digwydd gyda Chyngor Gwynedd a bod Cymru wedi colli allan yn y gyllideb diweddar, 'roedd pedwar aelod o Gabinet Cyngor Gwynedd wedi ymddiswyddo ynghyd ag Arweinydd y Cyngor.

MATERION YN CODI

Cynllun Cyllideb

Adroddwyd bod £38,297.95 (a oedd yn cynnwys costau banc) wedi cael ei wario ers cychwyn y flwyddyn ariannol newydd a bod hyn yn £29,419.65 o wariant yn llai na oedd wedi cael ei glustnodi yn y gyllideb am y flwyddyn. (Mae hyn ar ol i'r gyllideb gael ei ail wneud). Cytunwyd bod yr is-bywllgor ariannol yn cyfarfod i drafod adolygiad hanner blwyddyn o sefyllfa ariannol y Cyngor. Agenda mis nesa.

Ethol Cynghorydd

Adroddodd y Clerc fod yr hysbysiad a oedd wedi'i osod ar hysbysfyrddau a gwefan y Cyngor yn hysbysebu'r sedd wag a oedd yn bodoli ar y Cyngor wedi dod i ben ar y 25ain o fis diwethaf a'i bod wedi derbyn hysbysiad gan y Swyddog Etholiadol yn nodi y byddai etholiad ar gyfer y ddwy sedd wag sy'n bodoli ar y Cyngor yn cael ei gynnal ar y 12fed o Ragfyr pe bai mwy na dau enw yn cael eu derbyn ganddo erbyn 4.00 p.m. ar y 15fed o'r mis hwn. Mae y rhybudd hwn i fod i gael ei rhoid i fyny ar yr hysbysfyrddau a gwefan y Cyngor ar y 7ed o'r mis hwn.

Ethol Is-Gadeirydd I'r Cyngor

Adroddwyd bod y mater hwn wedi cael ei roi ar yr agenda yn dilyn ymddiswyddiad Mr. Tegid John a oedd yn Is-Gadeirydd y Cyngor. Cynigiwyd ac eiliwyd enw y Cyng. James Maxwell ar gyfer swydd Is-gadeirydd ag pleidleisiodd pawb yn unfrydol i hyn.

Gwefan y Cyngor

Cafwyd wybod gan y Cyng. Giles Bentham bod Mrs Kim Howie wedi rhoid gorau i wneud gwefan y Cyngor ers diwedd mis diwethaf ag ei fod yn dal i aros iddi drosglwyddo y manylion ynglyn ar wefan iddo ef. Datganodd y Cyng. Martin Hughes ei fod wedi bod yn ymchwilio i wefenau a fyddai yn addas i'r Cyngor a cytunwyd ei fod yn anfon enwau y gwefanau hyn i'r Clerc ei mwyn iddi anfon atynt yn gofyn am bris i greu gwefan i'r Cyngor.

Rhandiroedd

Cafwyd wybod gan y Cyng. Giles Bentham a Reg Chapman bod y gwaith ar y safle uchod wedi ei gwblhau ag eu bod wedi cyfarfod ar tenantiad y rhandiroedd dydd Sadwrn diwethaf. Adroddodd y Clerc ei bod wedi derbyn e-bost gan Mrs Stephanie Evans bod hi a rhai oedd yn rhentu rhandir yn barod yn datgan siom nad oeddynt yn gwybod bod y gwaith yn mynd i gael ei gario allan a nid oedd wedi cael ei gario allan i safon boddhanol. Hefyd datganwyd ganddi mai nawr yw'r amser i newid cynllun y plotiau gwreiddiol. Mae darn mawr o dir yn y rhan isaf y gellid ei droi'n rhandiroedd ychwanegol. Hefyd gellid defnyddio'r ardal hon ar gyfer plannu coetiroedd. Mae'r rhain ar gael gan Coed Cadw ond byddai angen caniatâd perchennog y tir. Mae angen trefnu llwybrau newydd i wneud cyrraedd y rhandiroedd yn haws. Nid yw'r ardaloedd o amgylch y gatiau wedi'u clirio ac mae'n dal yn anodd agor y gatiau wrth y top i a'r gwaelod, gyda llwyni buddlea mawr yn y ffordd. Mae angen diwygio plot 10 ac 11 a'i ehangu gyda llwybr newydd wedi'i roi ar yr ochr chwith er mwyn osgoi mynd trwy plot 11 i gyrraedd 10. Hoffant hefyd ddiwygio'r rheolau fel y gallai plotwyr gael sied neu dŷ gwydr a thyfu ffrwythau, llysiau a blodau. Datganodd byddai Paula Ireland yn cysylltu â'r Cyng. Giles Bentham ac maen't yn gobeithio y bydd y cynlluniau hyn yn cael eu trafod yn y cyfarfod hwn. Adroddodd y Clerc ei bod wedi derbyn pump e-bost gan rhai a sydd a diddordeb i rentu rhandir ag un ymholiad cyffredinol ynglyn a rhandir. Agenda mis nesa.

Goleuadau Nadolig

Adroddodd y Clerc ei bod wedi cysylltu gyda Mr. Tomos Slattery ynglyn a gosod y goleuadau hyn i fyny ar y polion trydan a gofyn iddo gysylltu gyda'r Cyng. Reg Chapman ynglyn a hyn. Datganodd y Cyng. Reg Chapman ei fod yn dal i aros i'r trydanwr ddod i archwilio y goleuadau hyn a cytunodd y Cadeirydd gysylltu ag ef.

Dogfenau Hanesyddol y Cyngor

Oherwydd bod ddim digon o amser i drafod y mater uchod heno, bod y mater yn cael ei symud i agenda mis nesa.

Cynllun Rheolaeth Llwybr Natur

Adroddodd y Cyng. James Maxwell ei fod wedi cysylltu gyda Coed Cadw ynglyn ar safle uchod ond heb gael ateb ganddynt eto. Agenda mis nesa.

Cofrestr Asedau y Cyngor

Oherwydd bod ddim digon o amser i drafod y mater uchod heno, bod y mater yn cael ei symud i agenda mis nesa.

Cae Chwarae Brenin Sior V

Oherwydd bod ddim digon o amser i drafod y mater uchod heno, bod y mater yn cael ei symud i agenda mis nesa.

Meusydd Parcio

Adroddodd y Clerc ei bod wedi cysylltu gyda gan Adran Amgylchedd, Cyngor Gwynedd I ofyn beth oedd eu cynlluniau gyda maes parcio Bron y Graig uchaf ag hefyd wedi gofyn beth oedd incwm roeddynt wedi ei dderbyn o'r meusydd parcio yn yr ardal yn ystod y flwyddyn ariannol diwethaf ag 'roedd wedi derbyn yr ateb canlynol. Bod ganddynt ddim gynlluniau datblygu penodol ar gyfer maes parcio Bron y Graig uchaf ar hyn o bryd ond bod pwyntiau gwefru trydan wedi cael eu gosod ar y safle yn ddiweddar. Hefyd yn datgan yn dilyn cyfarfod gyda Aelodau Cabinet y Cyngor ar y 15fed o Hydref, bu'r Adran Amgylchedd dderbyn sêl bendith i fwrw mlaen gyda chynlluniau fydd yn effeithio meysydd parcio'r Sir, gan gynnwys Harlech. Dyma grynodedb ohonynt;

1. Ymestyn oriau gorfodaeth meysydd parcio arhosiad byr o 10:00 hyd at 16:30 i 9:00 hyd at 17:00.
2. Addasiad i Strwythur Ffioedd Arhosiad Hir Band 2.
3. Cynyddu ffioedd parcio ym mhob maes parcio o dan berchnogaeth yr Adran Amgylchedd.

Mae paratodau ar y gweill ar gyfer cyflwyno'r newidiadau uchod a byddem yn derbyn rhagor o wybodaeth drwy broses ymgynghori am y pwyntiau 1 a 2 uchod maes o law. 'Roedd y Clerc wedi anfon yr e-bost hwn ymlaen i bob Aelod yn barod. Adroddodd y Cyng. Gwynfor Owen ei fod wedi gofyn am gyfarfod safle hefo rhai o Swyddogion Cyngor Gwynedd i drafod y mater hwn ond heb gael ateb ganddynt eto. Gofynnwyd pam fod y Cyngor yn colli £500 o gyfraniad y ffioedd parcio ag hefyd datganwyd bod yr arwydd yn dweud bod maes parcio ychwanegol yn maes parcio Bron y Graig uchaf ddim yn amlwg. Cytunwyd cynnal cyfarfod safle gyda'r Cyng. Gwynfor Owen ynghyd ar Cadeirydd, y Cyng. Reg Chapman a Martin Hughes. Agenda mis nesa.

HAL

Datganodd y Clerc ei bod wedi anfon at yr Archwiliwr Mewnol ag Un Llais Cymru ynglyn a pharhau i dalu cyfraniad precept i'r ganolfan uchod ag ei bod wedi derbyn yr atebion canlynol ganddynt. 'Roedd yr Archwiliwr Mewnol yn datgan bod gennym y pŵer dan adran 2 o Ddeddf Llywodraeth Leol 2000 i wario ar unrhyw beth sy'n debygol o gyflawni neu gwella lles economaidd, cymdeithasol neu amgylcheddol yr ardal, hyd at uchafswm gwariant adran 137 o Ddeddf Llywodraeth Lleol 1972. Mater i'r Cyngor yw penderfynu os bydd cyfraniadau pellach i Fwrdd HAL yn debygol o gyflawni hyn. 'Roedd Un Llais Cymru yn datgan bod gan Gyngor Cymuned y pŵer i ariannu prosiectau er budd y gymuned o dan A137, ond beth bynnag, mae gan y Cyngor hefyd ddyletswydd i wario arian cyhoeddus yn ddoeth ag 'roedd yn meddwl y byddai angen i'r Cyngor weld cynllun credadwy gan HAL ar sut y byddai unrhyw gyllid a ddarperir o fudd i'r gymuned. 'Roedd y Clerc wedi anfon at yr Archwiliwr Allanol a Mr. Martin Hanks I ofyn eu barn ynglyn ar mater hwn. Adroddodd y Clerc ymhellach ei bod wedi derbyn e-bost gan Lindsey Ellis, Rheolwr Gwasanaeth Cefnogi Cymunedau yn rhoid diweddiariad i'r Cyngor ynglyn ar safle uchod. Datganodd y Cyng. Gwynfor Owen ei fod wedi cyfarfod ag Aelodau Cabinet a Swyddogion Cyngor Gwynedd I drafod y safle ag ei fod yn gobeithio cynnal cyfarfod gyda Prif Weithredwr Cyngor Gwynedd. Cytunwyd I gario ymlaen I dalu y cyfraniad precept ag fe ddatganodd y Cyng. Reg Chapman ei fod yn fodlon mynd yn aelod o'r Bwrdd ag awgrymwyd ei fod yn cysylltu gyda Chadeirydd y Bwrdd Ms Heidi Williams.

Cynllun hyfforddiant y Cyngor

Adroddodd y Clerc ei bod wedi creu y cynllun uchod ag wedi ei anfon ymlaen i bob Aelod er mwyn iddynt fynd drwyddo cyn y cyfarfod heno. Cytunwyd bod angen ychwanegu bod y Cyngor yn mynd i gynnal hyfforddiant mewnol i'r Aelodau i gyd yn y cynllun. Adroddodd y Clerc ei bod wedi archebu lle ar hyfforddiant sydd yn cael ei gynnal ar y cyd rhwng Un Llais Cymru a Chymdeithas Lleol Clercod Cynghorau sydd yn cael ei gynnal ar yr 20ed o'r mis hwn. Cytunwyd i ad-dalu costau yr hyfforddiant hwn i'r Clerc.

Adolygiad cynnydd o argymhellion Archwilio Cymru

Oherwydd bod ddim digon o amser i drafod y mater uchod heno, a cytunwyd bod is-bwyllgor y ffordd ymlaen yn cyfarfod i'w drafod ag i drafod adroddiad Mr. Hanks. Agenda mis nesa

Un Llais Cymru – adroddiad gan y Cyng. Martin Hughes

Oherwydd bod ddim digon o amser i drafod y mater uchod heno, bod y mater yn cael ei symud i agenda mis nesa.

CEISIADAU CYNLLUNIO

Caniatâd Hysbyseb ar gyfer ffasgia Spar Llwyd gyda golau cafn uwchben a graffeg ffenestri Spar, Stryd Fawr, Harlech. (NP5/61/ADT558E)

Cefnogi y cais hwn.

Codi 1 annedd (yn lle 2 annedd y rhoddwyd caniatâd cynllunio iddynt dan gyfeirnod NP5/61/654 dyddiedig 23/04/2024) - lleihau'r nifer o dai o 20 i 19 Tir ger Pen yr Hwylfa, Harlech (NP5/61/654B)

Cefnogi y cais hwn.

Gosod dau monolith llechan oddeutu 3.3medr o uchder Tir yn Parc Bron y Graig, Harlech (NP5/61/625A)

Datganodd yr Aelodau ddiddordeb yn y cais uchod ag fe arwyddwyd dogfen Datgan Buddiant Personol gan y Cadierydd ar ran y Cyngor a ni drafodwyd y cais.

ADRODDIAD Y SWYDDOG ARIANNOL CYFRIFOL

Adroddodd y Swyddog Ariannol Cyfrifol bod £24,822.08 yn y cyfrif rhedegol a £103,312.88 yn y cyfrif cadw.

Taliadau yn ystod y mis

Mrs Kim Howie	- £25.99	- taliad misol am gynnal gwefan y Cyngor a gwaith ychwanegol ar y wefan
Mr. Joe Patton	- £132.92	- ad-daliad itemau l'r ardd gymunedol
Un Llais Cymru	- £40.00	- hyfforddiant Gynghorwr
Trade & DIY Products Ltd	- £1,296.61	- 3 mainc newydd
Mrs Yvonne Jones	- £270.00	- glanhau toiledau ger y castell
Mr. G. J. Williams	- £156.00	- torri gwair cae Brenin Sior ar cae pel droed
Mr. M. J. Kerr	- £580.00	- agor bedd y diweddar Mr. Douglas Russell
Mr. Daniel Trahearn	- £3,330.00	- gwaith datblygu y rhandiroedd yn ol i ddefnydd
Mr. Meirion Griffith	- £2,212.00	- torri gwair llwybrau cyhoeddus
Mr. Meirion Griffith	- £2,150.00	- torri gwair mynwent cyhoeddus ag ardal o gwmpas
Mrs Annwen Hughes	- £78.00	- ad-daliad costau hyfforddiant
Y Lleng Prydeinig	- £20.00	- torch pabi coch

Ceisiadau am gymorth ariannol

Hamdden Harlech ac Ardudwy - £3,649.50 – cynnig precept (taliad misol) x 2

Fe gafodd y taliadau uchod eu prosesu gan y Cyng. Edwina Evans a wnaeth y Cyng. Wendy Williams gymeradwyo'r taliadau ag fe roddwyd ganiatâd l'r Clerc/Trysorydd i'w talu ar lein neu drwy siec ar ddiwedd y cyfarfod.

Derbyniadau yn ystod y mis

Mr. Gareth Jones - £40.00 – rhent rhandir rhif 15

Arfonebau wedi eu talu ers y cyfarfod diwethaf

Catrin Soraya Williams – £290.00 - gwasanaeth cyfieithu (Medi a Hydref)

GOHEBIAETH

Mrs K. Smith

Wedi derbyn e-bost gan yr uchod yn datgan pryder am y ffens bler sydd yn rhedeg ar hyd ochor yr A496 gyferbyn a lein y rheilffordd. Datganodd y Clerc ei bod wedi gwneud ymholiadau gyda'r Cyng. James Maxwell ynglyn ar ffens dan sylw ag ei bod wedi cael cyfeiriad perchennog y tir ag 'roedd wedi anfon llythyr iddo ond heb gael ateb eto. 'Roedd y Clerc wedi anfon yr e-bost hwn ymlaen i bob Aelod yn barod.

Cyngor Gwynedd – Adran Bwrdeistrefol

Wedi cael ateb gan Mr. Bryn Hughes o'r adran uchod ynglyn a Parc Bron y Graig ag yn datgan bod y parc yn derbyn gwaith cynnal tiroedd sylfaenol sef rhaglen waith toriad trefol sydd yn digwydd tair gwaith y flwyddyn. Hefyd yn datgan yn ystod y flwyddyn diwethaf bod rhagor o waith gan gynnwys trin y llwybrau, asesu a thrin y meinciau a'r byrddau picnic, glanhau'r llyn fach a clirio ochrau'r afon wedi ei gario allan a bod y gwaith hwn wedi ei raglennu i ddigwydd eto eleni gan Uned Waith Bwrdeistrefol a disgwyl bydd y gwaith hwn yn digwydd yn fuan fel rhan o'r rhaglen waith ar gyfer tymhoru'r Hydref a'r gaeaf. Adroddodd y Clerc ymhellach ei bod wedi derbyn e-bost arall gan Mr. Bryn Hughes yn hysbysu y Cyngor eu bod wedi cario allan archwiliad o'r meinciau ar byrddau picnic yn Parc Bron y Graig ag ei fod wedi derbyn adroddiad rhagarweiniol sydd yn awgrymu fod yna feinciau a byrddau picnic yn y parc sydd angen eu amnewid am eu bod mewn cyflwr gwael. Yn anffodus ar hyn o bryd nid oes cyllideb ar gael i archebu offer newydd ag yn gofyn a fyddai'r Cyngor hwn mewn egwyddor yn hapus i archebu offer newydd yn lle y rhai sydd angen cael eu tynnu. 'Roedd y Clerc wedi anfon yr e-bost hwn ymlaen i bob Aelod yn barod. Cytunwyd i beidio ag archebu yr offer newydd ag eisiau gofyn a fyddai y Cyngor Cymuned yn gallu cymeryd drosodd y parc yn gyfan gwbl ynghyd ar maes parcio.

Cyngor Gwynedd – Adran Economi

Wedi derbyn e-bost gan yr uchod yn gofyn i'r Cyngor ddod i'w sylw unrhyw adeilad sydd wedi dod yn ol i ddefnydd yn ystod y flwyddyn ariannol hon neu sydd wrthi yn cael ei ddatblygu neu sydd yn cael gwelliannau i edrychiad yr adeilad wedi cael ei gario allan.

Williams Homes

Wedi derbyn e-bost gan yr uchod ynglyn ar datblygiad tai yn yr ardal ag yn datgan bod eu datblygiad ar y safle newydd yn Harlech yn dod ymlaen yn dda ag eu bod bellach ar y cam lle eu bod yn ceisio enwi'r ystâd. 'Roeddynt yn meddwl y byddant yn rhedeg heibio'r Cyngor Cymuned sut maen't yn mynd ati i wneud hyn yn gyffredinol, a byddant yn ymgysylltu â'r ysgol ac yn gweithio gyda'r plant i lunio rhestr o enwau cymraeg yn seiliedig ar hanes a daearyddiaeth yr ardal, yna bydd yr enwau hyn yn cael eu rhedeg heibio'r Gymdeithas Dai i sicrhau nad oes gwrthdaro â chynlluniau sydd ganddyn nhw mewn mannau eraill gan arwain at restr fer. Yna byddant yn gwahodd y Cyngor Cymuned i wneud sylwadau ar y rhestr fer hon cyn ei gyflwyno i'r Awdurdod Cynllunio i'w gymeradwyo. 'Roedd y Clerc wedi anfon yr e-bost hwn ymlaen i bob Aelod yn barod.

Achub Plas Tan y Bwlch

Wedi cael e-bost gan yr uchod ynghyd a llythyr yn gwahodd y Cyngor i ymuno a hwy mewn ymgyrch i archub Plas Tan y Bwlch ag yn datgan bod cyfarfod cyhoeddus yn cael ei gynnal yn Gellilydan ar y 1af o'r mis hwn. Adroddodd y Clerc oherwydd bydd y cyfarfod cyhoeddus hwn wedi cymeryd lle cyn cyfarfod y Cyngor ei bod wedi anfon yr e-bost hwn ymlaen i bob Aelod yn barod.

Mrs Stephanie Evans

Adroddodd y Clerc ei bod wedi derbyn e-bost gan yr uchod ynglyn a gornel Cae Besi ag yn datgan bod y ffens uwchben y safle sydd yn rhedeg ar hyd ochor y ffordd fawr wedi dod yn rhydd. 'Roedd wedi anfon yr e-bost hwn ymlaen i bob Aelod yn barod ag hefyd wedi ei anfon ymlaen i'r adran priffyrdd, Cyngor Gwynedd

ARWYDDWYD.....Cadeirydd

DYDDIAD..... 817